

ДЕВЯТЫЙ ЧАС

Приидите, поклонимся (трижды, и поклоны три).

[Псалом 83.](#)

[Псалом 84.](#)

[Псалом 85.](#)

Слава, и ныне. Аллилуия (трижды). Господи помилуй (трижды). Тропарь по уставу.

Аще ли же пост, глаголем сии тропарь, глас 8: Иже в девятый час, нас ради плотию смерть вкуси́выи, умертви́ плоти́ на́шея мудрова́ние, Христé Бóже, и спаси́ нас.

Стих 1: Да прибли́жится моли́тва моя́ пред Тя Го́споди, по словеси́ Твоему́ вразуми́ мя.

Стих 2: Да вни́дет проше́ние моё́ пред Тя Го́споди, по словеси́ Твоему́ изба́ви мя.

Слава, и ныне. Иже нас ради́ рождéися от Дéвы, и распя́тие претерпéв Благи́и, испровéргии смéртию смерть, и воскресéние явль́ яко Бог, не прéзри их же созда́ руко́ю Своёю, яви́ человеколю́бие Своё́ Милостиве, приими́ ро́ждьшую Тя Богоро́дицу, моля́щуся заны́, и спаси́, Спа́се наш, лю́ди согрeшьши́я.

Аще ли пост, бывает чтение. Таже: Не преда́ждь нас до конца́, и́мене Твоего́ ради́, и не разори́ заветá Твоего́, и не отста́ви ми́лости Твоея́ от нас, Авраа́ма ради́ возлю́бленнаго от Тебе́, и за Исаа́ка раба́ Твоего́, и Изра́иля свята́го Твоего́. Таже, Трисвятое. И по Отче наш, кондак дню, или святому.

Аще ли же пост, глаголем тропари сия, глас 8. Ви́дя разбо́йник Нача́льника жи́зни на Крестé ви́сяща, и глаго́лаше: а́ще небы́ Бог был вопло́щся, Иже с на́ми распны́ися, небы́ со́лнце лучи́ свой́ потайло, ниже́ земля́ трепещу́щи трясла́ся, но Иже за вся терпя́и, помяни́ мя Спа́се, егда́ приидеши во ца́рствии Си.

Слава Посреди́ двою́ разбо́йнику ме́рило пра́ведное обрeтeся Крест Твой: о́вому́ ўбо низходя́щу во ад тягото́ю хуле́ния, друго́му же легча́щуся от грех к ра́зуму богосло́вия. Христe Боже, сла́ва Тебе́.

И ныне. Агньца и па́стыря и Спа́са ми́ру, на Крестé зря́щи ро́ждьшая Тя, глаго́лаше слезя́ щи: мир ўбо ра́дуется, приeмля Тобо́ю избавле́ние, утроба́ же Моя́ горит, зря́щи Твое́ распя́тие, е́же за всех терпя́и, Сы́не

и Бóже мой. Таже, Господи помилуй (40). Иже на всяко время. Господи помилуй (трижды). Слава, и ныне. Честнейшую херувим. Именем Господним благослови, отче. За молитв святых отец наших. Аминь. И сотворяем три великия поклоны, со обычною молитвою: Господи и Владыко животу моему. И прочих метаний (12). Посем молитва. Владыко Боже, Отче Вседержителю.

Аще ли великий пост, и мы по поклонех молитвы: Владыко Боже, Отче, не глаголем, но поем на оба лика: Во царствии Си.

Аще ли кроме поста, глаголем молитву сию:

Владыко, Гóсподи Иису́се Христе́, Бóже наш, долготерпели́ве о на́ших согреше́ниях, да́же и до ны́нешняго часа́ приве́дѣи нас, во́ньже на животворя́щем дре́ве ви́ся, благо́разу́мному разбо́йнику, Иже в рай путь сотвори́л еси́ вход, и сме́ртию сме́рть разруши́л еси́, очи́сти нас гре́шных, и недостóйных раб Твои́х. Согреши́хом бо и беззако́нновахом, и не́смы достóйни возвести́ о́чию на́шею, и возре́ти на высоту́ небе́сную, зане́ же оста́вихом путь пра́вды Твоея́, и ходи́хом в во́лях серде́ц на́ших, но мо́лим Твою́ бла́гость: пощади́ нас Гóсподи, по мно́жеству ми́лости Твоея́, и спаси́ нас и́мене Твоего́ ра́ди свята́го, я́ко исче́зóша в суете́ днѣе на́ши. Изми́ нас из руки́ сопроти́внаго, и оста́ви нам прегреше́ния на́ша, и умертви́ плотское́ на́ше мудрова́ние, да ве́тхаго отложи́вше челове́ка, и в но́ваго облеку́мся, и Тебе́ поживе́м, на́шему Влады́це и Благода́телю, и та́ко Твои́м повеле́нием послéдующе, в ве́чный поко́й дости́гнем, иде́же есть всем веселя́щимся жили́ще. Ты бо еси́ вои́стину и́стинное весе́лие, и ра́дость лю́бящим Тя, Христе́ Бóже наш, и Тебе́ сла́ву возсыла́ем, со безнача́льным Ти Отце́м, и с Пресвяты́м и Благо́м и Животворя́щим Ти Ду́хом, ны́не и при́сно и во веки веко́м, ами́нь.